

REPUBLIKA E KOSOVËS / REPUBLIKA KOSOVA
REPUBLIC OF KOSOVA



KOMUNA E FUSHË-KOSOVËS / OPŠTINA KOSOVO-POLJE
MUNICIPALITY OF FUSHË-KOSOVË/KOSOVO-POLJE

Datë: 06.02.2024

Kuvendi i Komunës në mbledhjen e mbajtur më datë 31.01.2024, pas shqyrtimit të 'Marrëveshjes Kornizë për Bashkëpunim ndër-komunal shumë-funksional ndërmjet Komunave të Regjionit të Prishtinës të datës 15.12.2023', të shqyrtuar në Komitetin për Politikë e Financa dhe Komitetit për Komunitete, bazuar në nenin 11, nenin 12, paragrafi 12.2, shkronja (d), nenin 28, nenin 29, nenin 40.2 shkronja (j), të Ligjit për Vetëqeverisje Lokale Nr. 03/L-040, (Gazeta Zyrtare Nr. 28/2008), neneve 4, nenin 5, nenin 8, paragrafi 2, të Ligjit nr.04/L-010 për Bashkëpunim Ndërkomunal, neneve 13, paragrafi 13.6, shkronja (ç), nenin 27, shkronja (nj), të Statutit të Komunës Nr. 98, të datës 17.08.2012, mori:

V E N D I M

**Për Miratimin e Marrëveshjes Kornizë të Bashkëpunimit Ndër-Komunal
Shumë-Funksional**


1. Miratohet Marrëveshja Kornizë e Bashkëpunimit ndër-komunal shumë-funksional me Nr. 14-024/01-233042/23, të datës 15.12.2023, e lidhur mes 6 komunave të Republikës së Kosovës si vijon: Kryeqyteti Prishtina, Komuna e Podujevës, Komuna e Lipjanit, Komuna e Fushë-Kosovës, Komuna e Graçanicës dhe Komuna e Obiliqit.
2. Marrëveshja sipas pikës një të këtij vendimi është në kuadër të kompetencave vetanake të komunave në fjalë dhe ka për qëllim bashkërendimin e aktiviteteve ndër-komunale në mes kryeqytetit dhe komunave fqinje, në fushat të ndryshme me interes të përgjithshëm në funksion të krijimit të lehtësirave për mirëqenien e qytetarëve në sfera të ndryshme të jetës.
3. Pjesë përbërse e këtij vendimi është Marrëveshja Kornizë e bashkëpunimit ndër-komunal shumë-funksional me Nr. 14-024/01-233042/23, të datës 15.12.2023, e nënshkruar nga Kryetarët e Komunave të caktuara si përfaqësues të institucioneve shtetërore të nivelit lokal, të cekura në nenin një të këtij vendimi.
4. Për zbatimin e këtij vendimi kujdeset Kryetari i Komunës së Fushë-Kosovës dhe Drejtoritë Komunale varësisht fushëveprimtarisë së tyre.
5. Vendimi hynë në fuqi 15 ditë pas regjistrimit në zyrën e protokollit të Ministrisë së Pushtetit Lokal si dhe 7 ditë pas publikimit në faqen zyrtare të Komunës, përkatësisht konform nenit 81 të Ligjit për Vetëqeverisje Lokale Nr. 03/L-040 dhe në pajtim me

Rregulloren (QRK) Nr. 10/2019 për shqyrtimin administrative të akteve komunale, me plotësim-ndryshimet e bëra me Rregulloren (QRK) Nr. 06/2021.

**Akti i dorëzohet: Kryetarit të Komunës, Kryesuesit të Kuvendit të Komunës,
Drejtorateve të Komunës dhe Arkivës.**

**Kryesuesi i Kuvendit të Komunës
Ali Ismaili**





Me qëllim bashkëpunimi si dhe synimit të shndërrimit të rajonit në një zonë funksionale metropolitane, në mbështetje të Ligjit Nr. 03/L-040 për Vetëqeverisje Lokale dhe Ligjit Nr.04/L-010 për Bashkëpunim Ndërkomunal të Republikës së Kosovës, ne të poshtëshënuarit pajtohemi për të nënshkruar këtë:

MARRËVESHJE KORNIZË E BASHKËPUNIMI NDËRKOMUNAL SHUMË-FUNKSIONAL

NDËRMJET

1. **Kryeqyteti i Kosovës, Prishtina** (tani e tutje, **Kryeqyteti**), i përfaqësuar nga Kryetari i Kryeqytetit;
2. **Komuna e Podujevës**, e përfaqësuar nga Kryetari i Komunës;
3. **Komuna e Lipjanit**, e përfaqësuar nga Kryetari i Komunës;
4. **Komuna e Fushë Kosovës**, e përfaqësuar nga Kryetari i Komunës;
5. **Komuna e Graçanicës**, e përfaqësuar nga Kryetari i Komunës;
6. **Komuna e Obiliqit**, e përfaqësuar nga Kryetari i Komunës.

Neni 1

QËLLIMI I MARRËVESHJES

Qëllimi i kësaj Marrëveshje të Bashkëpunimit është bashkërendimi i aktiviteteve në mes të Kryeqytetit dhe pesë (5) komunave fqinjë, në fusha të ndryshme, me interes të përgjithshëm, me të cilin do të krijohen lehtësira për mirëqenien e qytetarëve të Kryeqytetit dhe këtyre Komunave, në sfera të ndryshme të jetës.

Neni 2
FUSHAT E BASHKËPUNIMIT

1. FUSHA E MIRËQENIES SOCIALE

Palët nënshkruese pajtohen:

1. Të bashkëpunojnë në ofrimin e strehimit të përkohshëm për personat në nevojë, nënat të cilat i nënshtrohen dhunës në familje, nënave vetushqyese, fëmijëve pa përkujdesje prindërore, të miturve pa përkujdesje, etj.;
2. Që Kryeqyteti dhe secila komunë të mbajë përgjegjësinë për krijimin e hapësirave për trajtim, kujdesie, edukim dhe argëtim të fëmijëve në situata rruge (lëmoshë-kërkuesve), të cilët janë banorë të komunave;
3. Në rrethana të caktuara, në veçanti në mungesë të hapësirës/kushteve në njërin nga komunat të cilat janë nënshkruese të marrëveshjes, të gjithë të bashkëpunojnë në mënyrë që asnjë fëmijë të mos mbetet në rrugë;
4. Të krijojnë kushte banimi për rastet sociale.

2. FUSHA E SHËRBIMEVE PUBLIKE

Palët nënshkruese pajtohen:

1. Të ndërtojnë një plan të përbashkët mobiliteti, i cili do të përfshinte të gjitha çështjet e ndërlidhura me trafikun dhe shtigjet për biçikleta, si:

- 1.1 Zhvillimi i një vizioni dhe strategjie të re të transportit;
- 1.2 Transporti publik;
- 1.3 Modalitetet e udhëtimit aktiv;
- 1.4 Sistemi rrugor dhe parkimi;
- 1.5 Menaxhimi i trafikut dhe siguria rrugore;
- 1.6 Planifikimi për mobilitetin e qëndrueshëm urban;
- 1.7 Investimet dhe financimi i Planit të Mobilitetit të Qëndrueshëm Urban (PMQU);
- 1.8 Struktura institucionale e PMQU-së;
- 1.9 Bashkëpunim në transportin e udhëtareve dhe funksionalizim i linjave:

- Prishtinë - Fushë Kosovë;
- Prishtinë - Obiliq; dhe
- Graçanicë – Prishtinë; me fshatrat e Kryeqytetit që kalojnë përmes territorit të Graçanicës, përfshirë linjat:
 - Prishtinë - Mramur;
 - Prishtinë - Shashkovc;
 - Prishtinë - Kishnicë;
 - Prishtinë - Qendra Tregtare Prishtina Mall; dhe
 - Prishtinë – Janjevë;
- 1.10 Sistemin e sigurisë rrugore në afërsi të institucioneve shkollore;
- 1.11 Rregullimin e sistemit të trafikut rrugor;

- 1.12 Zhvillimin e planit/veprimit ndër-komunal mbi menaxhimin e mbeturinave;
 - 1.13 Implementimin e rrjetit të shtigjeve të biçikletave; dhe
 - 1.14 Marrëveshja për implementimin e masave të parapara në PMQU.
2. Ndërtimin e një impianti të përbashkët për ujërat e zeza;
 3. Menaxhimin e përbashkët të mbeturinave - deponitë e mbeturinave;
 4. Përmirësimin e cilësisë së ajrit, në mënyrë që të përmbushen standardet e BE-së, si dhe rregullimin e ambientit, përfshirë lumenjtë dhe ruajtjen e pyjeve, duke ndërmarrë aktivitete të përbashkëta, si:
 - 4.1 Hartimin e planit të strategjisë për identifikimin e ndotësve të ajrit dhe projekteve të përbashkëta, të cilat mund të zbatohen së bashku;
 - 4.2 Identifikimi i sipërfaqeve/zonave të degraduara, të cilat kanë nevojë për trajtim dhe mbjellje të drunjëve;
 - 4.3 Përcaktimi dhe specifikimi i llojeve të drunjëve halorë ose atyre gjethe-gjerë që kanë mundësi më të madhe absorbimi, përreth kufirit Prishtinë – Obiliq, si dhe krijimi i një bufer (tampon) zone për uljen e nivelit të ndotjes së ajrit;
 - 4.4 Vendosja e monitorëve për matjen e ndotjes së ajrit në nivel ndër-komunal me senzore (matës) të përbashkët;
 - 4.5 Aktivitete të përbashkëta mjedisore, si fushatat vetëdijesuese për mbrojtjen e mjedisit, duke përfshirë ndotjen e ajrit dhe zhurmës, me nxënës të shkollave ndër-komunale (së bashku me zyrën e mjedisit);
 - 4.6 Pyllëzimi i sipërfaqeve të shpyllëzuara (së bashku me Drejtoritë e Bujqësisë dhe Zhvillimit Rural);
 - 4.7 Rregullimi i problemit të mbeturinave nga miniera e Kishnicës që shkaktojnë ndotjen e ajrit në mes komunës së Gracanicës dhe komunës së Prishtinës;
 5. Bashkëpunimin ndër-komunal, gjatë sezonës së dimrit, në transportin ndër-urban; të konsiderohen mundësitë e organizimit të transport falas në muajt e dimrit, kur ka probleme me kushtet metrologjike, siç janë temperaturat e ulëta dhe krijimi i smogut, të dëmshëm për shëndetin e njeriut, me qëllimin e reduktimit të përdorimit të transportit privat/personal.

3. FUSHA E SPORTIT

Palët nënshkruese pajtohen të bashkëpunojnë për aktivitete sportive, siç janë klubet e qyteteve, si në organizime të përbashkëta ashtu edhe në mundësinë e shfrytëzimit të hapësirave sportive të ndërsjella.

4. FUSHA E KULTURËS

Palët nënshkruese pajtohen të bashkëpunojnë në nisma të ndryshme kulturore me interes të përbashkët, si:

1. Koncerte për të rritur dhe fëmijë;
2. Festivale kombëtare e ndërkombëtare;
3. Mbështetja e artistëve, përkrahja e aktiviteteve të përbashkëta kulturore, si dhe promovimi i njohurive të përbashkëta të ndërsjella në fushën e kulturës dhe trashëgimisë kulturore; dhe
4. Krijimi i një harte digjitale të kulturës së përbashkët rajonale në mes të komunave.

5. FUSHA E ARSIMIT

Palët nënshkruese pajtohen:

1. Të krijojnë një mekanizëm të përbashkët, në mes të DKA-ve të komunave nënshkruese të kësaj marrëveshjeje, për të komunikuar në rastet e urgjencave që dalin në arsim;
2. Së bashku me drejtoritë kompetente për çështjet e sigurisë, të bashkëpunojnë edhe për çështjen e sigurisë në shkolla, përfshirë shkëmbimin e planeve të veprimit;
3. Të hulumtohen veprimet adekuate, përfshirë elementet financiare, në mënyrë që t'u mundësohet të gjithë nxënësve nga rajoni të regjistrohen në shkollat e mesme sipas zgjedhjes së tyre; dhe
4. Të konsiderohen mundësitë e organizimit të përbashkët, përfshirë pjesën financiare, të transportit për nxënësit e fshatrave që ndodhen afër shkollave të komunave fqinjë.

6. FUSHA E SHËNDETËSISË

Palët nënshkruese pajtohen që në fushën e shëndetësisë të bëhet koordinimi i shërbimeve shëndetësore, përfshirë spitalin e kryeqytetit, si dhe bashkëpunimi në fushën e shëndetësisë primare dhe sekondare.

Fokusi i bashkëpunimit të përqendrohet edhe në nivelin primarë, në këto fusha:

1. Koordinimi i shërbimeve të integruara shëndetësore në kujdesin primarë (shërbimeve të përbashkëta shëndetësore dhe sociale);
2. Të zhvillohet një data-bazë ndër-komunale për kujdes të integruar, e që do të ndihmonte në avancimin e qasjes dhe përmirësimin e shërbimeve të integruara, për kategoritë e pacientëve me sëmundje kronike jo-ngjitëse, si: hipertensioni, diabeti, astma, sëmundjeve tjera fizike, sëmundjeve të shëndetit mental dhe të sjelljes, etj. Data-baza do të mundësonte edhe sigurimin e të dhënave, përgatitjen dhe ofrimin e shërbimeve, si dhe parandalimin e sëmundjeve ngjitëse;
3. Ofrimi i shërbimeve të përbashkëta shëndetësore urgjente;
4. Shkëmbimi i përvojave dhe angazhimi i përbashkët në ngritjen e kapaciteteve të personelit mjekësorë;
5. Bashkëpunim në ofrimin e shërbimeve shëndetësore për nënat e reja dhe fëmijët deri në moshën tre vjeçare;
6. Bashkëpunim dhe përkrahje në mes të komunave me barna esenciale, siç është ofrimi i oksigjenit në raste të veçanta, si pandemia, etj.;
7. Koordinim në luftimin dhe parandalimin e TBC-së, e cila sëmundje, për shkak të pandemisë, mund të pësoj rritje në vitet në vijim;
8. Bashkëpunim në fushën e diagnostikës dhe shërbimeve laboratorike;
9. Bashkëpunim në gjetjen e formave dhe modaliteteve për motivimin e mjekësisë familjare; motivimi i mjekëve familjarë për të qëndruar në institucionet e kujdesit primarë shëndetësorë dhe për tu specializuar në mjekësi familjare;
10. Bashkëpunim në hartimin, implementimin dhe promovimin e programeve parandaluese për sëmundjet e rënda, si: sëmundjeve kardiovaskulare, kancerit colorectal, kancerit cervical, etj.

7. FUSHA E BUJQËSISË

Palët nënshkruese pajtohen që në fushën e bujqësisë të bashkëpunojnë me aktivitete dhe projekte të ndryshme, si:

1. Organizimi i panairëve të përbashkëta ndër-komunale të prodhimeve bujqësore si dhe njësive agro-përpunuese;
2. Bashkëpunim ndër-komunal në fushën e turizmit rural;
3. Bashkëpunim në fushën e terreneve të gjuetisë;

4. Takime të rregullta për shkëmbim përvojash dhe ideve për projektet e ndryshme të granteve, subvencioneve dhe mbështetje financiare për fermerët e komunave përkatëse;
5. Takime ndër-komunale për ofrimin e shërbimeve këshillimore në fusha të ndryshme bujqësore për fermerë;
6. Bashkëfinancim ndër-komunal për realizimin (aplikimin) e projekteve në fushat me interes të ndërsjellë.

8.FUSHA E SIGURISE DHE EMERGJENCAVE

Palët nënshkruese pajtohen që në fushën e sigurisë dhe emergjencave të bashkëpunojnë me aktivitete dhe projekte të ndryshme, si:

1. Të koordinohen dhe të reagojnë në mënyrë të përbashkët në raste të emergjencave;
2. Të krijojnë një mekanizëm të përbashkët, në mes të drejtorive relevante të palëve nënshkruese të kësaj marrëveshjeje, për të komunikuar dhe koordinuar në rastet e sigurisë dhe emergjencave;
3. Të ndërtojnë një qasje të përbashkët dhe bashkëpunim të ngushtë për trajtimin e qeneve endacakë, përfshirë masat afatshkurta, afatmesme dhe ato afatgjate, çdoherë në koordinim me pushtetin qendrorë. Në kuadër të masave afatgjata, komunat pajtohen të ndërtojnë një Strehimore Rajonale të Kafshëve, me theks në qentë endacakë, por edhe ata me pronarë. Kryeqyteti, tanimë ka ndarë një parcelë dhjetë-hektarësh për këtë qëllim, derisa me komunat fqinje do të koordinohemi dhe do të bashkëpunojmë për ndërtimin dhe mirëmbajtjen e përbashkët të qendrës.

9.TJERA

Të hulumtohen format e përshtatshme për avancimin e bashkëpunimit multi-etnik në mes të Komunës së Graçanicës dhe palëve tjera nënshkruese të kësaj marrëveshjeje.

Neni 3 PLANET ZBATUESE

1. Kuvendi i Kryeqytetit dhe Kuvendet e pesë Komunave tjera, autorizojnë Kryetarët/et e tyre që, për realizimin e aktiviteteve dhe projekteve nga fushat e bashkëpunimit, të përshkruara në nenin 2 të kësaj marrëveshjeje, të hartojnë planet e detajuara zbatuese, të cilat pastaj do të aprovohen dhe nënshkruhen nga Kryetarët përkatës të Komunave pjesëmarrëse.
2. Këto plane zbatuese duhet të përfshijnë dhe të plotësojnë të gjitha kërkesat ligjore të parapara në Ligjin Nr. 04/1-010 për Bashkëpunim Ndërkomunal, përfshirë afatet kohore dhe kushtet për tërheqje nga marrëveshja.

Neni 4 NDRYSHIMI DHE PLOTËSIMI I MARRËVESHJES

Në rast nevojë dhe me pëlqimin e palëve, kjo marrëveshje e bashkëpunimit mund të ndryshohet dhe plotësohet në formë të shkruar.

Neni 5 PËLQIMI I PALËVE

Mospajtimet ose interpretimet eventuale të pikave të kësaj marrëveshjeje do të rregullohen në mënyrë miqësore, me marrëveshje konsensuale.

Neni 6
HYRJA FUQI


Kjo marrëveshje bashkëpunimi hyn në fuqi pas nënshkrimit të kryetarëve dhe aprovimeve në kuvendet relevante, sipas procedurave të parapara në Ligjin nr. 04/L-010 për Bashkëpunim Ndërkomunal.

Neni 7
TË NDRYSHME

1. Komunikimi ndërmjet palëve lidhur me këtë marrëveshje do të bëhet me shkrim.
2. Kjo marrëveshje është përpiluar në 6 (gjashtë) kopje identike dhe në dy gjuhë, me përmbajtje të njëjtë, e të cilat kanë të njëjtin efekt juridik.


KRYEQYTETI PRISHTINA

Përparim Rama




KOMUNA E PODUJEVËS

Shpetim Bujlo




KOMUNA E LIPJANIT

Imri Ahmeti




KOMUNA E FUSHË KOSOVËS

Besnik Osmani




KOMUNA E GRAÇANICËSË


Leutrim Ajeti



KOMUNA E OBILIQIT

Xhafer Gashi





REPUBLIKA E KOSOVËS / REPUBLIKA KOSOVA
REPUBLIC OF KOSOVA

KOMUNA E FUSHË-KOSOVËS / OPŠTINA KOSOVO-POLJE
MUNICIPALITY OF FUSHË-KOSOVË/KOSOVO-POLJE



Datë: 06.02.2024

Kuvendi i Komunës, në mbledhjen e mbajtur më datë 31.01.2024, pas shqyrtimit të Propozimit Nr. 752, të datës 16.11.2023, paraqitur nga Drejtoria për Bujqësi dhe Zhvillim Rural, i shqyrtuar në Komitetin për Politikë e Financa, bazuar në nenin 11, nenin 40, paragrafi 40.2, shkronja (I), të Ligjit për Vetëqeverisje Lokale Nr. 03/L-040, (Gazeta Zyrtare Nr. 28/2008), nenin 10, paragrafi 10.5, shkronja (b), nenin 11, paragrafi 11.4, nenin 13, paragrafi 13.1, shkronja (a), të Ligjit për tokën bujqësore Nr. 02/L-26 (Gazeta Zyrtare Nr. 13/2007), nenin 8, paragrafi 1, nën paragrafi 1.3, të Ligjit për rregullimin e tokës Nr. 04/L-040 (Gazeta Zyrtare Nr. 03/2012), nenin 6, paragrafi 6.3, nenin 9 të Udhëzimit Administrativ Nr. 41/2006 për ndërrimin e destinimit të tokës bujqësore, nenin 27, shkronja (nj), të Statutit të Komunës Nr. 98, të datës 17.08.2012, mori:

V E N D I M

Për aprovimin e Propozimit Nr. 752, të datës 16.11.2023, për ndërrimin e destinimit të tokës bujqësore në tokë ndërtimore


1. Për aprovimin e Propozimit Nr. 752, të datës 16.11.2023, për ndërrimin e destinimit të përhershëm të tokës bujqësore në tokë ndërtimore, të evidentuar në ngastrën kadastrale Nr. P-72514027-00166-24, me sipërfaqe $S=555m^2$, arë e klasës së pestë, në Miradi të Poshtme, në rrugën 'Miradi', sipas certifikatës së pronës me Nr. 14-942-22699 për palën Gëzim Bullatovci
2. Ndërrimi i destinimit të tokës bujqësore në tokë ndërtimore bëhet për ndërtimin e objektit individual-shtëpi banimi.
3. Kryerja dhe mbikëqyrja e procedurave tjera për ndërrimin e destinimit të përhershëm të tokës bujqësore në tokë ndërtimore, është në kompetencë të Kryetarit të Komunës, Drejtorisë për Bujqësi dhe Zhvillim Rural, Drejtoria e Planifikimit Urban në përputhje me dispozitat e legjislacionit në fuqi për shndërrimin e tokës bujqësore në tokë ndërtimore.
4. Ky vendim hyn në fuqi 15 ditë pas regjistrimit në zyrën e protokollit në Ministrinë e Administrimit të Pushtetit Lokal si dhe publikimit në gjuhë zyrtare në ueb-faqen e komunës.

Akti i dorëzohet: Kryetarit të Komunës, Kryesuesit të Kuvendit të Komunës, Drejtorisë së BZHR, Drejtorisë së PU, Palës dhe Arkivës.

Kryesuesi i Kuvendit të Komunës

Ali Ismaili





REPUBLIKA E KOSOVËS / REPUBLIKA KOSOVA
REPUBLIC OF KOSOVA
KOMUNA E FUSHË-KOSOVËS / OPŠTINA KOSOVO-POLJE
MUNICIPALITY OF FUSHË-KOSOVËS/KOSOVO-POLJE



Datë: 06.02.2024

Kuvendi i Komunës në mbledhjen e mbajtur më datë 31.01.2024, pas shqyrtimit të Kërkesës së paraqitur nga Shefi i Grupit Parlamentarë të Lëvizjes Vetëvendosje, për ndërrimin e anëtarit në përbërjen e Komitetit për Politikë dhe Financa, bazuar në nenin 11, nenin 40, paragrafi 40.2, shkronja (e), nenin 51, paragrafi 51.1, nenin 52, të Ligjit për Vetëqeverisje Lokale Nr. 03/L-040, (Gazeta Zyrtare Nr. 28/2008), nenin 3, paragrafi 1 dhe 2, nenin 4, nenin 5, nenin 6, paragrafi 4, të Udhëzimit Administrativ Nr. 05/2020, për procedurën e themelimit, përbërjen dhe kompetencat e Komiteteve të Përhershme dhe Komiteteve tjera në Komunë, nenin 27, shkronja (e), nenin 34, paragrafi 34.1, shkronja (a), nenin 35, nenin 37, të Statutit të Komunës Nr. 98, të datës 17.08.2012, mori:

V E N D I M

Për ndryshimin - plotësimin e vendimit Nr. 199, të datës 31.12.2021


1. Për ndryshim - plotësimin e paragrafit 1, nën-paragrafit 1.5, të vendimit Nr. 199, të datës 31.12.2021, për themelimin e Komitetit për Politikë dhe Financa për të realizuar ndërrimin e përfaqësuesit të Lëvizjes Vetëvendosje, duke e larguar e z. Durim Hajra nga përbërja e Komitetit për Politikë dhe Financa prej shtatë anëtarëve dhe për caktimin e z. Vlonjat Hasani në cilësinë e anëtarit të ri të Komitetit për Politikë dhe Financa.
2. Ky vendim është pjesë përbërëse e vendimit Nr. 199, të datës 31.12.2021, për themelimin e Komitetit për Politikë dhe Financa, në Komunën e Fushë-Kosovës dhe parasheh detyrat dhe përgjegjësitë si: shqyrtimin e politikave, dokumenteve fiskale dhe financiare, planeve dhe iniciativave, duke përfshirë dokumentet e planifikimit strategjik, kornizën vjetore afatmesme buxhetore, planin vjetor të prokurimit, rregulloren vjetore për tatimet, tarifrat dhe pagesat, planin vjetor të punës për auditimin e brendshëm, buxhetin vjetor afatmesëm dhe çdo ndryshim gjatë vitit fiskal, si dhe marrjen e raportit nga Kryetari i Komunës dhe dorëzimin e rekomandimeve në Kuvendin e Komunës.
3. Kryerja dhe mbikëqyrja e procedurave tjera për zbatimin e këtij vendimi, është në kompetencë të Kryetarit të Komunës, Drejtorisë së Financave e Buxhetit dhe Udhëheqëses së Personelit.
4. Ky vendim hyn në fuqi 15 ditë pas regjistrimit në zyrën e protokollit në Ministrinë e Administrimit të Pushtetit Lokal si dhe publikimit në gjuhë zyrtare në ueb-faqen e komunës.

**Akti i dorëzohet: Kryetarit të Komunës, Kryesuesit të Kuvendit të Komunës,
Drejtorisë së FB, Anëtarëve të Komitetit për Politikë e Financa,
Udhëheqëses së Personelit dhe Arkivës.**

Kryesuesi i Kuvendit të Komunës

Ali Ismaili





REPUBLIKA E KOSOVËS / REPUBLIKA KOSOVA
REPUBLIC OF KOSOVA
KOMUNA E FUSHË-KOSOVËS / OPŠTINA KOSOVO-POLJE
MUNICIPALITY OF FUSHË-KOSOVËS/KOSOVO-POLJE



Datë: 06.02.2024

Kuvendi i Komunës në mbledhjen e mbajtur më datë 31.01.2024, pas shqyrtimit të Kërkesës së paraqitur nga Shefi i Grupit Parlamentarë të Lëvizjes Vetëvendosje, për ndërrimin e anëtarit në përbërjen e Komitetit për Komunitete, bazuar në nenin 11, nenin 40, paragrafi 40.2, shkronja (e), nenin 51, paragrafi 51.1, nenin 53, të Ligjit për Vetëqeverisje Lokale Nr. 03/L-040, (Gazeta Zyrtare Nr. 28/2008), nenin 3, paragrafi 1 dhe 2, nenin 7, nenin 8, nenin 9, paragrafi 4, të Udhëzimit Administrativ Nr. 05/2020, për procedurën e themelimit, përbërjen dhe kompetencat e Komiteteve të Përhershme dhe Komiteteve tjera në Komunë, nenin 27, shkronja (e), nenin 34, paragrafi 34.1, shkronja (b), 34.4, nenin 36, nenin 38, të Statutit të Komunës Nr. 98, të datës 17.08.2012, mori:

V E N D I M


Për ndryshimin - plotësimin e vendimit Nr. 200, të datës 31.12.2021

1. Për ndryshim - plotësimin e paragrafit 1, nën-paragrafit 1.3, të vendimit Nr. 199, të datës 31.12.2021, për themelimin e Komitetit për Komunitete për të realizuar ndërrimin e përfaqësuesit të Lëvizjes Vetëvendosje, duke e larguar z. Shpend Bardiqi nga përbërja e Komitetit për Komunitete prej nëntë anëtarëve dhe për caktimin e znj. Doruntina Jashari në cilësinë e anëtarit të ri të Komitetit për Komunitete.
2. Ky vendim është pjesë përbërëse e vendimit Nr. 200, të datës 31.12.2021, për themelimin e Komitetit për Komunitete në Komunën e Fushë-Kosovës, i cili është përgjegjës për shqyrtimin e përputhshmërisë së autoriteteve komunale me ligjin në zbatimin dhe shqyrtimin e të gjitha politikave komunale, praktikave dhe aktiviteteve për t'u siguruar se të drejtat dhe interesat e komuniteteve respektohen plotësisht. Komiteti gjithashtu i rekomandon Kuvendit të Komunës, masat që duhet të ndërmerren për të siguruar jetësimin e dispozitave që kanë të bëjnë me nevojën e komiteteve për tu avansuar, shprehur, mbrojtur dhe zhvilluar identitetin e tyre etnik, kulturor, fetar dhe gjuhësor, si dhe për të siguruar mbrojtje adekuate të drejtave të Komuniteteve brenda Komunës.
3. Kryerja dhe mbikëqyrja e procedurave tjera për zbatimin e këtij vendimi, është në kompetencë të Kryetarit të Komunës, Drejtorisë së Financave e Buxhetit dhe Udhëheqëses së Personelit.
4. Ky vendim hyn në fuqi 15 ditë pas regjistrimit në zyrën e protokollit në Ministrinë e Administrimit të Pushtetit Lokal si dhe publikimit në gjuhë zyrtare në ueb-faqen e komunës.

Akti i dorëzohet: Kryetarit të Komunës, Kryesuesit të Kuvendit të Komunës, Drejtorisë së FB, Anëtarëve të Komitetit për Komunitete, Udhëheqëses së Personelit dhe Arkivës.

Kryesuesi i Kuvendit të Komunës

Ali Ismaili



REPUBLIKA E KOSOVËS / REPUBLIKA KOSOVA
REPUBLIC OF KOSOVA



KOMUNA E FUSHË-KOSOVËS / OPŠTINA KOSOVO-POLJE
MUNICIPALITY OF FUSHË-KOSOVË/KOSOVO-POLJE

Datë: 06.02.2024

Kuvendi i Komunës në mbledhjen e mbajtur më datë 31.01.2024, pas shqyrtimit të Kërkesës së paraqitur nga Shefi i Grupit Parlamentarë të Lëvizjes Vetëvendosje, për ndërrimin e anëtarit në përbërjen e Komitetit për Arsim, Kulturë dhe Sport, bazuar në nenin 11, nenin 12, paragrafi 12.2, shkronja (d), nenin 40, paragrafi 40.2, shkronja (e), nenin 51, paragrafi 51.2, të Ligjit për Vetëqeverisje Lokale Nr. 03/L-040, (Gazeta Zyrtare Nr. 28/2008), nenin 13, paragrafi 1 dhe 3, nenin 14, nenin 15, të Udhëzimit Administrativ Nr. 05/2020 për procedurën e themelimit, përbërjen dhe kompetencat e Komiteteve të Përhershme dhe Komiteteve tjera në Komunë, nenin 27, shkronja (e), nenin 40, paragrafi 40.1, shkronja (c), të Statutit të Komunës Nr. 98, të datës 17.08.2012, mori:

V E N D I M

Për ndryshimin - plotësimin e vendimit Nr. 51, të datës 07.03.2022

1. Për ndryshim - plotësimin e paragrafit 1, nën-paragrafit 1.2, të vendimit Nr. 51, të datës 07.03.2022 për themelimin e Komitetit për Arsim, Kulturë Rini dhe Sport, për të realizuar ndërrimin e përfaqësuesit të Lëvizjes Vetëvendosje, duke e larguar z. Vlonjat Hasani nga përbërja e Komitetit për Arsim Kulturë Rini dhe Sport prej pesë anëtarëve dhe caktimin e z. Durim Hajra në cilësinë e anëtarit të ri të Komitetit për Arsim Kulturë Rini dhe Sport.
2. Ky vendim është pjesë përbërëse e vendimit Nr. 51, të datës 07.03.2022, për themelimin e Komitetit për Arsim Kulturë Rini dhe Sport në Komunën e Fushë-Kosovës dhe parasheh detyrat dhe përgjegjësitë e definuara në nenin 7, të Rregullores Nr. 04, të datës 12.01.2017, për përbërjen dhe kompetencat e Komiteteve tjera.
3. Kryerja dhe mbikëqyrja e procedurave tjera për zbatimin e këtij vendimi, është në kompetencë të Kryetarit të Komunës, Drejtorisë së Financave e Buxhetit dhe Udhëheqëses së Personelit.
4. Ky vendim hyn në fuqi 15 ditë pas regjistrimit në zyrën e protokollit në Ministrinë e Administrimit të Pushtetit Lokal si dhe publikimit në gjuhë zyrtare në ueb-faqen e komunës.

Akti i dorëzohet: Kryetarit të Komunës, Kryesuesit të Kuvendit të Komunës, Drejtorisë së FB, Anëtarëve të Komitetit për Arsim Kulturë, Rini dhe Sport, Udhëheqëses së Personelit dhe Arkivës.

Kryesuesi i Kuvendit të Komunës

Ali Ismaili



REPUBLIKA E KOSOVËS / REPUBLIKA KOSOVA
REPUBLIC OF KOSOVA



KOMUNA E FUSHË-KOSOVËS / OPŠTINA KOSOVO-POLJE
MUNICIPALITY OF FUSHË-KOSOVË/KOSOVO-POLJE

Datë: 06.02.2024

Kuvendi i Komunës në mbledhjen e mbajtur më datë 31.01.2024, pas shqyrtimit të Kërkesës së paraqitur nga Shefi i Grupit Parlamentarë të Lëvizjes Vetëvendosje, për ndërrimin e anëtarit në përbërjen e Komitetit për Shëndetësi dhe Mirëqenie Sociale, bazuar në nenin 11, nenin 12, paragrafi 12.2, shkronja (d), nenin 40, paragrafi 40.2, shkronja (e), nenin 51, paragrafi 51.2, të Ligjit për Vetëqeverisje Lokale Nr. 03/L-040, (Gazeta Zyrtare Nr. 28/2008), nenin 13, paragrafi 1 dhe 3, nenin 14, nenin 15, të Udhëzimit Administrativ Nr. 05/2020 për procedurën e themelimit, përbërjen dhe kompetencat e Komiteteve të Përhershme dhe Komiteteve tjera në Komunë, nenin 27, shkronja (e), nenin 40, paragrafi 40.1, shkronja (ç), të Statutit të Komunës Nr. 98, të datës 17.08.2012, mori:

V E N D I M

Për ndryshimin - plotësimin e vendimit Nr. 52, të datës 07.03.2022

1. Për ndryshim - plotësimin e paragrafit 1, nën-paragrafit 1.2, të vendimit Nr. 52, të datës 07.03.2022, për themelimin e Komitetit për Shëndetësi dhe Mirëqenie Sociale për të realizuar ndërrimin e përfaqësuesit të Lëvizjes Vetëvendosje, duke e larguar znj. Doruntina Jashari nga përbërja e Komitetit për Shëndetësi dhe Mirëqenie Sociale prej pesë anëtarëve dhe caktimin e z.Habib Mekolli në cilësinë e anëtarit të ri të Komitetit për Shëndetësi dhe Mirëqenie Sociale.
2. Ky vendim është pjesë përbërëse e vendimit Nr. 52, të datës 07.03.2022, për themelimin e Komitetit për Shëndetësi dhe Mirëqenie Sociale në Komunën e Fushë-Kosovës dhe parasheh detyrat dhe përgjegjësitë e definuara në nenin 8, të Rregullores Nr. 04, të datës 12.01.2017, për përbërjen dhe kompetencat e Komiteteve tjera.
3. Kryerja dhe mbikëqyrja e procedurave tjera për zbatimin e këtij vendimi, është në kompetencë të Kryetarit të Komunës, Drejtorisë së Financave e Buxhetit dhe Udhëheqëses së Personelit.
4. Ky vendim hyn në fuqi 15 ditë pas regjistrimit në zyrën e protokollit në Ministrinë e Administrimit të Pushtetit Lokal si dhe publikimit në gjuhë zyrtare në ueb-faqen e komunës dhe shfuqizimin e vendimit me Nr. 89, të datës 06.04.2023.

**Akti i dorëzohet: Kryetarit të Komunës, Kryesuesit të Kuvendit të Komunës,
Drejtorisë së FB, Anëtarëve të Komitetit për Shëndetësi e Mirëqenie
Sociale, Udhëheqëses së Personelit dhe Arkivës.**

Kryesuesi i Kuvendit të Komunës

Ali Ismaili



REPUBLIKA E KOSOVËS / REPUBLIKA KOSOVA
REPUBLIC OF KOSOVA



KOMUNA E FUSHË-KOSOVËS / OPŠTINA KOSOVO-POLJE
MUNICIPALITY OF FUSHË-KOSOVË/KOSOVO-POLJE

Datë: 06.02.2024

Kuvendi i Komunës në mbledhjen e mbajtur më datë 31.01.2024, pas shqyrtimit të Kërkesës së paraqitur nga Shefi i Grupit Parlamentarë të Lëvizjes Vetëvendosje, për ndërrimin e anëtarit në përbërjen e Komitetit për Planifikim Urban Infrastrukturë dhe Shërbime Publike, bazuar në nenin 11, nenin 12, paragrafi 12.2, shkronja (d), nenin 40, paragrafi 40.2, shkronja (e), nenin 51, paragrafi 51.2, të Ligjit për Vetëqeverisje Lokale Nr. 03/L-040, (Gazeta Zyrtare Nr. 28/2008), nenin 13, paragrafi 1 dhe 3, nenin 14, nenin 15, të Udhëzimit Administrativ Nr. 05/2020 për procedurën e themelimit, përbërjen dhe kompetencat e Komiteteve të Përhershme dhe Komiteteve tjera në Komunë, nenin 27, shkronja (e), nenin 40, paragrafi 40.1, shkronja (b), të Statutit të Komunës Nr. 98, të datës 17.08.2012, mori:

V E N D I M


Për ndryshimin - plotësimin e vendimit Nr. 94, të datës 31.03.2022

1. Për ndryshim - plotësimin e paragrafit 1, nën-paragrafit 1.3, të vendimit Nr. 94, të datës 31.03.2022 për themelimin e Komitetit për Planifikim Urban, Infrastrukturë dhe Shërbime Publike, për ndërrimin e përfaqësuesit të Lëvizjes Vetëvendosje, duke e larguar z. Habib Mekolli nga përbërja e Komitetit për Planifikim Urban, Infrastrukturë dhe Shërbime Publike prej pesë anëtarëve dhe caktimin e z. Shpend Bardiqi në cilësinë e anëtarit të ri të Komitetit për Planifikim Urban, Infrastrukturë dhe Shërbime Publike.
2. Ky vendim është pjesë përbërëse e vendimit Nr. 94, të datës 31.03.2022, për themelimin e Komitetit për Planifikim Urban, Infrastrukturë dhe Shërbime Publike, në Komunën e Fushë-Kosovës dhe parasheh detyrat dhe përgjegjësitë e definuara në nenin 6, të Rregullores Nr. 04, të datës 12.01.2017, për përbërjen dhe kompetencat e Komiteteve tjera.
3. Kryerja dhe mbikëqyrja e procedurave tjera për zbatimin e këtij vendimi, është në kompetencë të Kryetarit të Komunës, Drejtorisë së Financave e Buxhetit dhe Udhëheqëses së Personelit.
4. Ky vendim hyn në fuqi 15 ditë pas regjistrimit në zyrën e protokollit në Ministrinë e Administrimit të Pushtetit Lokal si dhe publikimit në gjuhë zyrtare në ueb-faqen e komunës.

**Akti i dorëzohet: Kryetarit të Komunës, Kryesuesit të Kuvendit të Komunës,
Drejtorisë së FB, Anëtarëve të Komitetit për Planifikim
Urban, Infrastrukturë dhe Shërbime Publike, Udhëheqëses së Personelit
dhe Arkivës.**

Kryesuesi i Kuvendit të Komunës

Ali Ismaili



REPUBLIKA E KOSOVËS / REPUBLIKA KOSOVA
REPUBLIC OF KOSOVA



KOMUNA E FUSHË-KOSOVËS / OPŠTINA KOSOVO-POLJE
MUNICIPALITY OF FUSHË-KOSOVË/KOSOVO-POLJE

Datë: 06.02.2024

Kuvendi i Komunës në mbledhjen e mbajtur më datë 31.01.2024, pas shqyrtimit të Projekt-Planit Vjetor të Punës së Kuvendit të Komunës së Fushë-Kosovës për vitin 2024, të hartuar nga Grupi Punues sipas vendimit të Kuvendit të Komunës Nr. 190, të datës 07.11.2023, të shqyrtuar në Komitetin për Politikë e Financa dhe Komitetit për Komunitete, bazuar në nenin 11, nenin 12, paragrafi 12.2, shkronja (d), nenin 40, paragrafi 40.2, shkronja (d), të Ligjit për Vetëqeverisje Lokale Nr. 03/L-040, (Gazeta Zyrtare Nr. 28/2008), nenin 13, paragrafi 13.6, shkronja (ç), nenin 27, shkronja (dh), të Statutit të Komunës Nr. 98, të datës 17.08.2012, nenin 9, të Rregullores për Punën e Kuvendit të Komunës së Fushë-Kosovës Nr. 62, të datës 16.05.2013 mori:

V E N D I M

Për miratimin e Planit Vjetor të Punës së Kuvendit të Komunës së Fushë-Kosovës për vitin 2024

1. Për miratimin e Planit Vjetor të Punës së Kuvendit të Komunës së Fushë-Kosovës për vitin 2024.
2. Pjesë përbërëse e këtij vendimi është Plani Vjetor i Punës së Kuvendit të Komunës së Fushë-Kosovës për vitin 2024.
3. Kryerja dhe mbikëqyrja e procedurave tjera për zbatimin e këtij vendimi dhe planit të punës për vitin 2024, është në kompetencë të Kryesuesit të Kuvendit të Komunës, Kryetarit të Komunës dhe Drejtorateve të Komunës.
4. Ky vendim hyn në fuqi 15 ditë pas regjistrimit në zyrën e protokollit në Ministrinë e Administrimit të Pushtetit Lokal si dhe publikimit në gjuhë zyrtare në ueb-faqen e komunës.

Akti i dorëzohet: Kryetarit të Komunës, Kryesuesit të Kuvendit të Komunës, Drejtorateve të Komunës dhe Arkivës.

Kryesuesi i Kuvendit të Komunës

Ali Ismaili